



Ørjan Lilleskare
Ikenberget 21 A
5911 ALVERSUND

Referanser:
Dykkar:
Vår: 17/2003 - 17/22088

Saksbehandlar:
Knut Bjørnevoll
KBJ@lindas.kommune.no

Dato:
10.08.2017

Utsleppsløyve frå hytte via felles avløpsleidning - gbnr 148/10 Litleskare

Administrativt vedtak. Saknr: 362/17

Tiltakshavar: Anita og Ørjan Lilleskare

Type utslepp : Sanitært avløpsvatn med utslepp mindre enn 50 pe

Søknadstype: Forureiningslova § 11, jf. forureiningsforskrifta § 12-5

SAKSUTGREIING:

Tiltak

Saka gjeld søknad om utsleppsløyve for hytteeigedommen gbnr 148/10, som i dag berre har utslepp av gråvatn . Storleiken på utsleppet er opplyst til å vera 5 pe. Utsleppet skal gå via eigen slamavskiljar på 4 m² til godkjent felles utsleppsleidning til sjø som vart godkjent med utsleppsløyve og løyve til tiltak den 17.08.2015.

Det vert elles vist til søknad motteken 23.06.2017.

Plassering

Plassering av slamavskiljar og leidningar med tilkopling til fellesanlegg er vist på situasjonskart motteke 23.06.2017, jf. forureiningsforskrifta § 12-4 nr 1 d.

Reinsekrav

Eigedomen ligg i eit område der det er slamavskiljar med utslepp til sjø er godkjent reinseløysing etter forureiningsforskrifta kapittel 12.

Planstatus

Eigedomen ligg i LNF-område i kommuneplanen. Tiltaket gjeld utskifting av eksisterande anlegg og krev ikkje dispensasjon.

Privatrettslege tilhøve og nabovarsel

Den einaste naboen som er berørt, eigar av gbnr 148/3, har fått nabovarsel, og har i tillegg gjeve skriftleg samtykke til plassering av delar av anlegget på sin eigedom. Denne erklæringa må tinglysast.

VURDERING**Reinsekrav, tilkopling til eksisterande anlegg/leidning**

Søknad om utsleppsløyve kan etter kommunen sin vurdering godkjennast slik den ligg føre med utslepp via slamavskiljar til sjø. Reinseløysinga stettar krava til utslepp i mindre følsomt område.

Kommunen legg til grunn at eksisterande utsleppsleidning er i forskriftsmessig stand og at det er kjørevege dimensjonert for slamtømmebil og at anlegget kan gå inn i den ordinære tømmeordninga og ikkje medføre ekstrakostnader i samband med slamtømming. Stikkleidning til eigdommen er lagt i samband med legging av hovudleidningen

Plassering

Plassering av anlegg og leidningsnett kan etter kommunen si vurdering godkjennast i samsvar med kart motteke 23.06.2017.

Vurdering etter naturmangfaldlova

Kommunen har vurdert prinsippa § 8 – 12 i naturmangfaldlova. Ein har mellom anna sjekka det aktuelle arealet i www.naturbase.no og www.artsdatabanken.no og nytta rettleiing frå fylkesmannen i Hordaland.

Godkjenning etter anna lovverk

Etablering av nye anlegg krev at det vert gitt løyve til tiltaket etter reglane i plan- og bygningslova. I denne saka gjeld det utskifting av slamavskiljaren og eit kort stykke leidning med tilkoplingar.

Kommunen fritenk tiltaket frå søknad etter plan- og bygningslova , jf § 20-5 bokstav g.

VEDTAK:

Med heimel i forureiningslova § 11, forureiningsforskrifta §§ 12-3 og 12-5 vert det gjeve utsleppsløyve for utslepp frå fritidsbustad via slamavskiljar til sjø på følgjande vilkår:

1) Utsleppet skal førast i tett og nedgraven leidning inn på eksisterande felles utsleppsleidning

som tidlegare er godkjent ført til sjø og ut på djupt vatn.

2) Erklæring om tilknytning og ansvar frå eigaren av gbnr 148/3 skal tinglysast på begge eigedommane.

3) Slamavskiljaren skal vera av godkjent type, og plasserast slik at han kan tømmast innafor den ordinære kommunale slamtømmeordninga, i samsvar med forskrift for slamtømming, godkjent av kommunestyret 24.06.2004.

4) Det skal betalast slamgebyr i samsvar med gjeldande gebyrregulativ.

5) Eigedomen skal knytast til offentlig avløpsleidning eller anna større fellesanlegg dersom slike vert etablert i området og kommunen set krav om det.

6) Melding om at anlegget er etablert og arbeidet utført i samsvar med dette løyvet, og målsett kart som viser endeleg plassering, skal sendast kommunen før anlegget vert teke i bruk

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høvet til å klagt på vedtaket vera nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller innstillast arbeidet i lengre tid enn to år, fell retten til å etablere utsleppet vekk. Om utslepp framleis er aktuelt må ny søknad sendast inn, jf. forureiningsforskrifta § 12-5, fjerde ledd.

Ferdigstilling

Når arbeidet med etablering av avløpsanlegget er ferdigstilt skal den ansvarlege for arbeidet skriftleg melda ifrå til kommunen at anlegget er etablert og arbeidet utført i samsvar med dette løyvet.

Plassering av anlegg, samt leidningsanlegg med kummar, knekkpunkt og utsleppspunkt skal innmålast og koordinatar eller målsett situasjonsplan skal sendast kommunen.

Tilsyn, endring og opphøyr av løyvet

Kommunen er forureiningsstyresmak og fører tilsyn med at føresegner, lovverk og vedtak fatta i tråd med forureiningsforskrifta kapittel 12 vert følgd. Forureiningsstyresmakta har rett og plikt til å føra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnad knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheva eller endra vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18, jf. forureiningsforskrifta § 12-14.

Ved all vidare kontakt i denne saka, ver venleg og referer til **saknr.: 17/2003**

Med helsing

Siril Sylta
avdelingsleiar

Knut Bjørnevoll
saksbehandlar

Dette dokumentet er elektronisk godkjent og har difor ingen signatur.

Kopi til:

Ørjan Lilleskare	Ikenberget 21 A	5911	ALVERSUND
------------------	-----------------	------	-----------

Mottakrarar:

Anita Hammerhaug Lilleskare	Ikenberget 21 A	5911	ALVERSUND
Ørjan Lilleskare	Ikenberget 21 A	5911	ALVERSUND